

A ANG KARUNUNGAN NG DIOS

- ❖ Sa Athens, gumamit si Pablo ng karunungan ng tao upang makombinse ang marurunong na tao. Mula noon, nagpasya syang gumamit ng banal na karunungan.
- ❖ Mismong ang Dios ang nagsugo sa kanya upang ipangaral ang Kanyang mensahe “hindi sa karunungan ng mga salita baka mawalan ng kabuluhan ang krus ni Cristo” (1 Cor. 1:17).
- ❖ Ano ang banal na karunungan ipinangaral ni Pablo?
- ❖ Salungat sa lohika ng tao, kabilang sa karunungan ng Dios ang “iligtas ang mga nagsisipanampalataya sa pamamagitan ng kamangmangan ng pangangaral” (1 Corinto 1:21).

B ANG KABALIWAN NG KRUS

- ❖ Ang Griegong salita na *mōria* (kahangalan, kamangmangan, kalokohan) ay limang beses na ginamit sa 1 Corinto: 1:18; 1:21; 1:23; 2:14; and 3:19.
- ❖ Ang krus ay kahangalan sa nawaglit; sa mga hindi nakakakilala sa Dios (Hentil); sa mga nag-iisip lamang tungkol dito sa sanlibutan (natural na tao); sa mga pinangangasiwaan lamang ng sariling karunungan.
- ❖ Ngunit ang krus ay pagpapala para sa mga naligtas, iyon ay, mga handang tingnan ang krus sa pananaw ng Dios.

C ANG KAPANGYARIHAN NG DIOS

- ❖ May kapangyarihan ang krus na ipakita ang pinakamasama ng tao at pinakamabuti ng Dios (1 Cor. 1:18).
 - Pinakamasama ng tao: Kabaliwan; Pagtakwil; Pagsira sa sarili; pagkawasak.
 - Pinakamabuti ng Dios: kapangyarihan; pagtanggap; kapatawaran; kaligtasan.
- ❖ Ang mga tumatanggi sa krus ay umaani ng bunga ng kanilang maling kilos, at sa huli’y mawawasak ng Isang itinakwil nila.
- ❖ Ang kapangyarihan ng Dios, na ipinakita sa krus, ay kayang isauli ang tao sa Dios sa pagpapatawad sa lahat niyang kasalanan, at bigyan sya ng buhay na walanghanggan (Col. 1:20; 1P. 2:24).

D ANG MENSAHE NG KRUS

- ❖ Bakit kahangalan ang pangangaral ng mensahe ng krus (1 Cor. 1:21-24)?

- ❖ Umaasa ang mga Judio ng Mesias na magpapalaya sa kanila mula sa pang-aalipin ng Roma. Nang ipinahayag ni Jesus na ipapako Sya, natakot ang sarili nyang mga alagad. Dagdag pa dito, sa mga Judio, ang taong ibinitin sa kahoy ay taong sinumpa ng Dios (Deuteronomio 21:23). Para sa Hentil, na hindi nga umaasa sa Manunubos, ang pasya ay pareho: ang krus ay kahangalan.
- ❖ Gayunpaman, para sa mga anghel, ang mensahe ng krus ay iba. Si Jesus, na nakilala pa nila sa Langit, ay hinayaang mamatay ang sarili dahil sa pag-ibig sa lahing tumakwil sa kanya. Ito ang pananaw na nais ni Pablong ipahayag sa kanyang pangangaral.
- ❖ Ang mensahe ng krus ay nagpapakita kung gaano kalaki ang kayang gawin ng Dios upang bigyan tayo ng kaligtasan.

E ANG KAHANGALAN AT KAHINAAN NG DIOS

- ❖ Ang Dios ba sa ano mang paraan ay hangal o mahina (1 Cor. 1:25)?
- ❖ Syempre hindi, dahil walang kahinaan o dungis ang Dios. Gumagawa lang ng simpleng paghahambing si Pablo: Kung may hindi magandang kaisipan ang Dios, mas matalino parin Sya sa pinakamatalinong kaisipan ng tao; o kung may mahinang usapin sa Dios, ito ay higit na malakas kaysa sa pinakamalakas na usapin ng tao.
- ❖ Lahat ng karunungan matitipon mula sa pinaka-matatalinong tao ay hindi kayang makapagplano upang maligtas ang tao.
- ❖ Tanging ang Dios ang may kayang tumubos, sa pamamagitan ng kapangyarihan ng sakripisyo ni Jesus na inalay sa krus, “sa nga naligtas” (1 Cor. 1:18); “sa mananampalataya” (1 Cor. 1:21); at “sa mga tinawag” (1 Cor. 1:24).
- ❖ **Pansinin** na tanging ang mga **naniniwala** kay Jesus bilang pagtugon sa panawagan ng Banal na Espiritu ang **maliligtas**.